

Ko te whakarahi ake i ngā āheinga hokohoko mō ngā hinonga Māori

Ko te āta hokohoko e pā ana ki ngā kaihoko rawa, ratonga hoki kia titiro i tua atu i te utu ki ngā painga whānui ā-pāpori, ā-tūmatanui. Ko te hokohoko pāpori tērā, ko te kaiwhakarato kanorau tērā, ko te hokohoko iwi taketake tērā, ko te inenga oranga hoki tērā.

E tautokohia ana ngā pakihī Māori kia rite te tono me te whiriwhiri i ngā tukanga hokohoko o te kāwanatanga e nui ake ai ngā kaiwhakarato kanorau ka whāia e te kāwanatanga.

Me matua whāia e ngā ratonga kāwanatanga ngā kaupapa here mō te hokohoko i whakamanatia e te Rūnanga Whāiti, ā, e kōkiritia ana e Te Puni Kōkiri me Hīkina Whakatutuki.

Ko te pūtake o te kaupapa here:

- Ko te whakarahi ake i te momo kaiwhakarato ka whakaaetia e te kāwanatanga
- Ko te matatika o ngā pakihī Māori ki ngā āheinga o ngā tono hokohoko a te kāwanatanga
- Ko te whakatupu i ngā āheinga ōhangā ki te tautoko i ngā hinonga whānau Māori, ki te akiaki hoki ki te tupu ngātahi.

Ko ētahi īhuatanga matua:

Ko te whakamārama o te pakihī Māori (He rōpū Māori e kīa ana e IRD, he 50% te itinga o te hunga whaipānga Māori rānei)

Ko te whai kia 5% o ngā kirimana kaihoko hokohoko (o ngā ratonga kāwanatanga) ka riro i ngā pakihī Māori

Ko ngā rangapū takawaenga ka āwhina hei kaiārahi, e whārite ana, e tūhono ana hoki i ngā ratonga, i ngā pakihī ki te whakatutuki i ngā āheinga hokohoko

Ko te tautoko i te toitūtanga, i te manawaroa hoki o ngā whanonga kē o ngā ratonga me ngā pakihī kāwanatanga.

Hei īwhina ki te toro atu:

- E wātea ana a Te Puni Kokiri ki te īwhina i te tupu o te raukaha o tō pakihī me te tūhono atu ki ngā tāngata pakihī ā-rohe. Whakapā atu ki supplierdiversity@tpk.govt.nz
- Amotai, te takawaenga kirimana, e tautoko kore utu ana ki ngā pakihī Māori kua rēhitatia. E taea ana e koe tō pakihī te rēhita ki a Amotai mā tēnei hononga <https://amotai.nz/membership/businesses>

E aro ana tō pakihī Māori ki ngā kirimana kāwanatanga?

Mō ngā mōhiohio whakapā atu ki tpk.govt.nz/progressiveprocurement

Ko ngā tukanga mō ngā Kaiwhakarato: Ko te whakarite tono

Tuatahi/1: Me whakarite

Me tīmata kia rite tō tono mā te tautuhi i ngā mahi o tō pakihī ki te ngata i te hiahia o te kaihoko. Me toro ki ngā tautoko e tika ana, ā, me tūhono ki tētahi takawaenga pērā i a Amotai mā kiaora@amotai.nz.

Tuarua/2: Rēhita

Me rēhita tō pakihī ki te Ratonga I-Tono Kāwanatanga (GETS) mō te kore utu, ā, me tautuhi he pakihī Māori. Tonoa kia whakapā atu inā pānuitia ai he āheinga hokohoko pitomata e ōrite ana ki ngā mahinga o tō pakihī.

Tuatoru/3: Āheinga

Torohia, tonoa hoki ngā āheinga ki runga GETS, ā, tirohia ngā āheinga hokohoko o tēnā ratonga, o tēnā ratonga. Kia rite tō tono kia māia te tono atu.

Tuawhā/4: Whakatinanatia

Me whakatutuki i ngā mahinga o te kirimana, ā, me māia hoki te whiriwhiri me te ratonga. Tuaritia ngā whakaaro Ao Māori nei e akiaki ana i te ratonga kaihoko ki te ako, ki te whakawhanake hoki.

Ko ngā here mō ngā kaiwhakarato

Tuatahi/1: Me tautuhi koe he pakihī Māori

Inā rēhita ana koe ki a GETS, ki tētahi takawaenga rānei, me whakamōhio atu koe he pakihī Māori. Me whiriwhiri hoki he tohu ki runga i ngā whakamōhiohio pakihī ka tukuna atu e koe ki ngā ratonga kāwanatanga.

Tuarua/2: Te ao Māori

Whāia ngā āheinga kia tuaritia ngā whakaaro Ao Māori nei kia whakamarohi i to whanaungatanga ki ngā ratonga kāwanatanga. Ki te tuaritia tō mōhio, ō wheako hei pakihī Māori ka īwhina ngā ratonga ki te whakawhānui i tō rātou māramatanga. Mā tēnei e īwhina te puta o ngā hua pāpori mā te whakarahi ake i ngā kaiwhakarato kanorau.

Ko te whakangao kaiwhakarato kanorau

Mō ētahi mōhiohio anō, toro atu ki tō mātou whārangī ipurangi tpk.govt.nz/progressiveprocurement. Imēra rānei supplierdiversity@tpk.govt.nz

I whakaputa i te Mei 2021



He whakamārama mō ētahi pakihī Māori

Hoatu kai hauora mō ngā tauira hia kai mā te hokohoko



Ko ngā kaiwhipānga o Puku Ora ko ngā tuakana/teina, ko Erana Blandford rāua ko Amy Wray e pīrangī ana ki te rangawairua i ētahi atu ki te whiriwhiri i te kai hauora mā ā rātou kai taioranga.

Tokorua ngā tuāhine ihiihi me ngā tamariki 10 i waenga i a rāua, i whakatūria te pakihī takakai Māori Puku Ora i te mea he hiahia nō rāua ki te taka i te kai taioranga e whiwhi painga ai te hapori whānui.

Hei tāpiri ki tō rāua wharekai ki Tūranganui ā-Kiwa e aro atu ki te hauora, i angitu ai a Erana Blandford rāua ko Amy Wray ki ngā tukanga hokohoko o te Te Tāhuhu o te Mātauranga ki te takakai rānui mō ngā kura o te rohe, kore utu ana.

Ia rā, ka whakaritea e te tīma o Puku Ora ngā kōpaki kai e 3,800 mō ngā tauira ki ngā kura 10 o Tūranganui, i roto i te kaupapa kai rānui kore utu a te Kāwanatanga. E ai ki a rāua, ko te tono i te kirimana Kāwanatanga he āheinga ki te īwhina i ngā tamariki ki te whiriwhiri i te kai hauora, kia whaipainga ngā reanga katoa.

“Ultimately we took the contract because we liked the kaupapa and we've had personal and whānau health difficulties so we know what poor eating habits can do.”

“It was hard getting through the contract process as it was quite technical, but my sister

had worked in this area and it was a good experience for us to go through. Having a government contract gave us a secure income and it also gave us some weight when we needed to take out a loan,” te kī a Erana.

Kua 34 te tokomaha i te tīma Puku Ora, ā, e taunga ana tō rātou wharekai ki Tūranganui ki ngā kai paleo, vegan, huka kore hoki mō te hunga e aro hauora ana.

“A lot of our staff and our customers are Māori. Manaakitanga and making our customers feel comfortable is important to us and we use te reo at work and use the maramataka (Māori lunar calendar) for our business, like deciding when to have a meeting,” te kī a Erana.

Kua kirimanatia hoki a Puku Ora e Te Puni Kōkiri, ki te takakai mō ngā hui ki Tūranganui, hei whakatutuki i te whai a te Manatū Whakawhanake Māori ki te tautoko i ngā pakihī Māori i roto i ngā tukanga hokohoko.

“For us, we are pursuing a passion that's about wanting to help people discover wellness through ridiculously good food that inspires positive change,” te kī a Erana.

Ko ngā tauira pakihi Māori

He hua anō i tua atu i te rori ki te Tairāwhiti



Kaiwhipāngā o Blackbee Contractors ki Ruatōria a Boss Blackbee (mauī) me ētahi kaimahi e whakakapi ana i te Tairāwhiti Roading Package.

Ko Blackbee Contracting, tētahi pakihi Māori ki Tūranganui i te rāwhiti o Aotearoa e whai painga ana i ngā kirimana o te ratonga Waka Kotahi.

Nā te huri o te Waka Kotahi kia whānui ngā hua i a rātou e whiriwhiri kirimana ana, i tū ai te rangapū i waenga i a Blackbee Contracting me Te Kaunihera o Te Tairāwhiti ki te whakakapi i te Tairāwhiti Roading Package nui nei.

He hua atu anō o te rangapū i tua atu i te tahua pūtea ki tā te kaiwhipāngā pakihi, ki a Boss Blackbee. Ki a ia, ko te kounga o te mahi me te whakangungu i te tangata ētahi āhuatanga hiranga o te tāpiriringa whakangao.

"We want to show everyone that East Coast people are more than capable of providing this level of service. There needs to be more confidence in our people to step up

and deliver in order for our communities to prosper," i kī a Boss.

He nui te pānga pai ki a Blackbee Contracting. Kua reatoru tōna rahi mai i te tīmatanga o te mahi tahi.

Mō te hapori, ehara te Tairāwhiti Roading Package i te mahi whakatika rori anake. E whakangungua ana ngā kaimahi ngahere ki te mahi i ngā mahi, e nui ake ai ngā whiwhinga mahi mō te Māori, mō ngā pakihi Māori hoki, ā, e mahi tahi ana me ngā kura ki te whakatairanga i ngā akoranga pūtaiao, hangarau, pūkaha, pāngarau hoki (STEM) me ētahi rangi wheako kaimahi.

Ki tā Waka Kotahi, he huringa ahurea e pā ana ki ā rātou tukanga hokohoko. Ko tētahi aronga o ngā hua e whā o tā rātou rautaki ko te mahi tahi ki te Māori me te whakamana i te Māori, kia ngaruru te Māori hei tangata Tiriti.

Ko te Hokohoko Whakamua: He pātai auau mō ngā pakihi Māori

He aha ngā hua o te kaupapa here Hokohoko Whakamua?

He āheinga tēnei mō te pakihi Māori kia tomo atu ki ngā āheinga hokohoko kāwanatanga.

Kua whakahautia ngā ratonga Kāwanatanga kia whānui te puna pakihi e hoko ai, e kimi ratonga ai rātou.

He aha te tikanga o te whaipāngā Māori kia 50 orau?

Kia 50 orau nui ake te tangata, ngā tāngata Māori rānei e whaipāngā ana ki tō pakihi, kia 100 orau rānei te whaipāngā Māori mehemea he kaihoko takitahi.

He aha ngā ahumahi e tonoa ana e ngā ratonga kāwanatanga?

Ko ētahi ko te hangarau, ko te hoahoa, ko te pānui hokohoko, ko te pāhō, ko ngā ratonga mātanga hāpai, ko te hanganga, ko ngā waka reti, ko te haereere, ko ngā ratonga rōia, ko te inihua, ko te mahi pēke, ko te whakahaere whare.

Me pēhea au e kimi nei i ngā āheinga hokohoko?

Ko ngā tono ināianei me te wā heke e wāriu ana i tua atu i te \$100,000 ka whakarārangihia ki te Ratonga I-Tono Kāwanatanga (GETS). Ko ngā Tono i raro i te \$100,000 ka pānuitia e tēnā tari kāwanatanga, e tēnā tari kāwanatanga.

Me rēhita ahau ki a GETS?

Me rēhita koe kia taea ngā āheinga hokohoko kāwanatanga te whiriwhiri. Me mau i a koe ngā mōhiohio o tō pakihi, ngā rārangī whakapā atu ki te whakatutuki i te rēhitatanga.

Me pēhea ahau e whiriwhiri i ngā āheinga e pā ana ki taku pakihi ki roto i a GETS?

I a koe e rēhita ana ki a GETS, ka pātaitia koe mehemea e pai ana ki a koe kia whiwhi pānui mō ngā ahumahi motuhake. Mā te āta whiriwhiri i ngā whiriringa e riro ai koe ngā pānui aunoa e hāngai ana ki ērā ahumahi. E taea rānei e koe te whakapā atu ki tō tari ā-rohe o Te Puni Kōkiri ki te āwhina, ki te hāpai i te ratonga takawaenga (mehemea e rēhitatanga ana).

Ko te Hokohoko Whakamua – He whakamārama mō ngā Pakihi Māori (Kaiwhakarato)

Ko te whakarahi ake i te kanorau kaiwhakarato mō te hokohoko kāwanatanga



Ko te tautoko i ngā pakihi Māori kia ngaruru

"Ka whakapaua te \$42 piriona i ia tau e te kāwanatanga ki te hokohoko rawa, ratonga rānei. E kimi ana mātou i ngā ara atu o tēnei whakapaunga pūtea hei whakatere ake i te whakaoranga ōhanga mō ngā pakihi Māori," i kīa ai e te Minita Whanaketanga Māori e Minita Willie Jackson.

Ko te whakangao i ūtātou kaiwhakarato kanorau

Mō ētahi whakamārama anō, tirohia tā mātou whārangī tpk.govt.nz/ progressiveprocurement or email supplierdiversity@tpk.govt.nz

Cover image by Chris Williams